

INFORMACIJA

O ZADUŽENJU KOD EVROPSKE BANKE ZA OBNOVU I RAZVOJ (EBRD) ZA REALIZACIJU PROJEKTA VODOOPSKRBE ČAPLJINE

U skladu sa Zakonom o dugu, zaduživanju i garancijama u Federaciji Bosne i Hercegovine ("Službene novine Federacije BiH", br. 86/07; 24/09 i 44/10) i Pravilnicima o evidenciji duga i garancija Federacije Bosne i Hercegovine ("Službene novine Federacije BiH", broj: 14/08), Federalno ministarstvo finansija je uspostavilo i vodi evidenciju o stanju duga općina, kantona, gradova i javnih preduzeća u Federaciji Bosne i Hercegovine.

Prema evidencijama Federalnog ministarstva finansija/finansija utvrđeno je da općina Čapljina uredno servisira obaveze po postojećim kreditnim zaduženjima, ukupni prihodi prema izvršenju Budžeta općine Čapljina za 2011. godinu iznose 10.422.761,73 KM, ukupne obaveze po drugim kreditima i izdatim garancijama za općinu Čapljina iznose : - Stanje duga po kreditu za „Vodosnadbijevanje i čvrsti otpad općine Čapljina“ po kreditu Svjetske banke iznosi cca. 70.000 KM.

Uzimajući u obzir navedeno (stepen zaduženja, iznos i uslove predloženog kredita), konstatovano je da općina Čapljina posjeduje kreditnu sposobnost te je u skladu sa tim data predhodna saglasnost na predloženo kreditno zaduženje.

Projekat vodoopskrbe Čapljine u potpunosti se uklapa u strateške ciljeve općine Čapljina po pitanju rješavanja komunalne infrastrukture zajedno sa Javnim preduzećima Čapljine kojem je općina osnivač i sa kojim je zajedno zadužena za održavanje, rekonstrukciju i razvoj komunalne infrastrukture. U strategiji razvoja općine Čapljina ovo je Projekat definisan kao jedan od osnovnih ciljeva, a razlog je nezadovoljavajuće i neodrživo stanje u sektoru vodoopskrbe na području Općine Čapljina. Postojeća vodovodna mreža je u veoma lošem stanju što predstavlja veliki problem, naročito u ljetnom periodu kada su prekidi vodoopskrbe zbog štednje uobičajeni.

Studija izvodljivosti za izgradnju sustava vodoopskrbe na području Dubravskog platoa realizirana u periodu od aprila do septembra 2010. godine, i ista je prosljeđena Evropskoj banci za obnovu i razvoj (EBRD) u septembru 2010. godine, EBRD je u oktobru 2010. godine sa Ministarstvom finansija i trezora Bosne i Hercegovine, Općinom Cazin i Javnim komunalnim preduzećem iz Čapljine potpisala mandatno pismo kojim izražava zainteresovanost finansiranja proširenja vodoopskrbnog sustava, te dala indikativne uslove za finansiranje navedenog Projekta.

Vlada Federacije Bosne i Hercegovine je na svojoj 162. sjednici održanoj 14.02. 2011. godine donijela Zaključak V. broj: 122/2011 kojim je podržala inicijativu za kreditnim zaduženjem za Projekat vodoopskrbe Čapljine. Dana 23.februara 2012. godine u Sarajevu su održani pregovori o predloženom zajmu u iznosu do 5 miliona EUR, koji će Evropska banka za obnovu i razvoj na kreditnoj osnovi prenijeti na Bosnu i Hercegovinu. Zajam će dalje supsidijarno biti prosljeđen na Federaciju Bosne i

Hercegovine, zatim posebnim Podugovorom na općinu Čapljina, a Općina dalje na JP Komunalno Čapljina d.o.o. Također EBRD namjerava u okviru ovog Projekta, da stavi na raspolaganje grant sredstva u iznosu do 4,5 mil. EUR koja će se financirati iz EU nacionalnog programa IPA (Instrument Predpristupne pomoći) za 2010. godinu i na taj način pružiti pomoć u financiranju Projekta, pod uvjetima koji će biti navedeni u Ugovoru o grantu između Bosne i Hercegovine, Javnog preduzeća i EBRD-a.

Glavni cilj Projekta je da se dugoročno osiguraju uslovi kontinuirane i kvalitetne vodoopskrbe područja koje bi obuhvatio ovaj Projekat, čime bi se znatno smanjili gubitci u postojećoj vodovodnoj mreži i stvorili uslovi za priključenje novih korisnika na javni sustav vodoopskrbe, te također poboljšao kvalitet i pouzdanost postojećeg vodoopskrbnog sistema u gradu Čapljini. Projektom bi bili obuhvaćeni radovi na slijedećim lokacijama, i to:

- Vodoopskrbni sistem platoa Dubravske visoravni,
- Vodoopskrbni sistem u naselju Trebižat,
- Vodoopskrbni sistem u naselju Prćavci i Zivrovići, i
- Obnova i rekonstrukcija Centralnog vodoopskrbnog sistema.

Uslovi pod kojim banka odobrava kredit su:

iznos zajma.....	5.000.000,00 EUR-a
rok otplate.....	15 godina
grace period.....	3 godine
kamatna stopa.....	šestomjesečni EURIBOR + 1% marža
dospijeća.....	polugodišnje u jednakim otplatama glavnice
datum plaćanja glavnice i kamata.....	15. februar i 15. august svake godine
naknada za zajam.....	1% na odobreni iznos
naknada za nepovučena sredstva.....	0,5% na godišnjem nivou

Budući da bi predloženi kredit u cjelosti bio lociran na Općinu Čapljina, koja bi bila krajnji korisnik i dužnik, u budžetu Federacije BiH nije potrebno osigurati dodatna sredstva za njegovu implementaciju.

Imajući u vidu navedeno Vlada Federacije utvrđuje prijedlog slijedeće Odluke: